

眞法眷神超雲外更留名姓記在丹霞觀

贈贛榆善衆

神光欲列眞仙位道德休輕棄默養玄珠無玷類五般光彩一
輪圓相見了生慚愧兩條玉路分天地箇內呈嘉瑞躍入雲霄
朝玉帝永無生滅到茲方契般若經中偈

前後帶喝馬一聲

就中偏許通音耗一例誰能曉有箇人人靈復俏攢星步斗暗
符顛倒金書報升降朝元道碧虛仙眷重遷號方喜圓明了皓
月堂前天風掃晴空來往我從玄教仙無老超越蓬萊島

江神子

道藏輯要

雲光集

三

胃集九
川人三

述懷

青天爲被地爲氈覆靈源照心田玉汞金鉛兩脈吐流泉自是
道芽橫碧漢頻澆灌再新鮮雲朋霞友暗相傳意綿綿運胎仙
密鎖玄關光透九重天丹就萬神齊慶賀眞靈性復朝元

進道

神光涌涌透穹蒼湊靈陽悟眞常般運三車都會聚明堂撞過
天門歸紫府無衰老免危亡寄身浮世效風狂性芬芳骨堅剛
了了圓成不假暗遮藏八表飛騰無礙礙隨萬物顯圓方

投眞

本源眞性靜寥寥任飄飄恣逍遙便是虛空天外顯靈苗獨樂

閑閑無彼我呼皓彩吸清飈青蓮池上瑞光瑤赴層霄玉名標
慧劍揮空除怪斬羣妖開闡古今清淨道洪普濟法輪橋

慕山溪

示門人

出離苦海須要明修鍊漸漸滅塵情默默神功斡旋虛無造化
丹鼎紫芝香金花結玉泉流全體神光滿千災不染萬病都消
散七竅總沖和通八脈飛升內院九宮十地六賊杳無形三光
顯二童傳一性無移變

贈都下門人

都城吾輩辦道休生退百行勿相違常體三光不昧天玄地妙

道藏輯要

雲光集

卷

胃集九
川X上

眞慧撮靈明親益友論長生此理應無賽太平逸樂亘古眞無
壞一粒化生珠兩道光明作對人天法界隨處熱心香超造化
越娑婆穩赴瑤池會

于二翁梁疾求教

青山綠水獨我爲生計百病總消除一性圓明不諱丹成果滿
都會玉虛壇觀自在樂逍遙別有神仙位公還猛悟萬事俱拋
棄細細數前程速速超離濁世結成仙眷積累大功深通妙理
脫凡籠永永無傾逝

贈劉七翁

清心靜坐自是天加護處處鬼神欽復感仙賢救助善星羅罩